

২০১৫ সালের ১ সেপ্টেম্বর থেকে সরকারি প্রতিষ্ঠান বাংলাদেশ সাবমেরিন ক্যাবল কোম্পানি লিমিটেড তাদের ব্যান্ডউইডথের দাম কমিয়েছে। দাম কমানোর হারটা শতকরা ৪১ ভাগ বলে ইন্টারনেট গ্রাহকদের মাঝে এমন প্রত্যাশার জন্ম হয়েছে যে, তারা এই দাম কমানোর উপকারটা পাবে। কিন্তু বাস্তবে সেটি কতটা পাওয়া যাবে, এ বিষয়ে সচেতন মহলে যথেষ্ট সন্দেহ রয়েছে।

ব্যান্ডউইডথের দাম কমানো বিষয়ে একটি জাতীয় দৈনিকের খবর হচ্ছে— ‘ব্যান্ডউইডথের দাম আরেক দফা কমিয়ে প্রতি ১ এমবিপিএস (মেগাবাইট পার সেকেন্ড) ৬২৫ টাকা করা হয়েছে, যা আজ (১ সেপ্টেম্বর ১৫) থেকে কার্যকর হচ্ছে। আগে ১ এমবিপিএস ব্যান্ডউইডথের দাম ছিল ১ হাজার ৬৮ টাকা। সেই হিসেবে প্রতি এমবিপিএস ইন্টারনেট ব্যান্ডউইডথের দাম কমেছে ৪৪৩ টাকা।’ ওই পত্রিকার খবরে আরও বলা হয়েছে, ‘ব্যান্ডউইডথ সরবরাহে দায়িত্বপ্রাপ্ত সরকারি প্রতিষ্ঠান বাংলাদেশ সাবমেরিন ক্যাবল কোম্পানি (বিএসসিসিএল) পাইকারি পর্যায়ে ব্যান্ডউইডথের দাম ব্যাপক হারে কমিয়েছে। ইন্টারনেট ব্যবহার আরও সাশ্রয়ী করতে ২০০৮ থেকে ২০১৫ সাল পর্যন্ত আট দফায় ব্যান্ডউইডথ চার্জ কমানো হয়েছে। ২০০৮ সালের জুলাই মাসে প্রতি এমবিপিএস ব্যান্ডউইডথের মূল্য ছিল ২৭ হাজার টাকা, যা ২০১৫ সালে এসে ৬২৫ টাকা হয়েছে।’

ব্যান্ডউইডথের দাম বিষয়ে আরেকটি জাতীয় দৈনিকের ২ সেপ্টেম্বর ২০১৫ সংখ্যায় বলা হয়েছে, ‘ব্যান্ডউইডথের দাম যেভাবে বিএসসিসিএল নির্ধারণ করেছে সেটা হলো— ৫০ থেকে ৯৯৯ এমবিপিএস ৯০০ টাকা। ১০০০ থেকে ২৪৯৯ এমবিপিএস ৮২৫ টাকা, ২৫০০ থেকে ৪৯৯৯ এমবিপিএস ৭৫৫ টাকা, ৫০০০ থেকে ৯৯৯৯ এমবিপিএস ৬৮০ টাকা, ১০০০০ এমবিপিএস (১০ জিবিপিএস)। ১০২৪ এমবিপিএস ১ জিবিপিএস) এবং এর চেয়ে বেশি ব্যান্ডউইডথ কেনার ক্ষেত্রে প্রতি এমবিপিএসের দাম পড়বে ৬১৮ টাকা।’

আন্তর্জাতিক ইন্টারনেট গেটওয়ে (আইআইজি) প্রতিষ্ঠান ফাইবার অ্যাট হোমের প্রধান কৌশল কর্মকর্তা (সিএসও) সুমন আহমেদ বলেন, ‘বাংলাদেশে শুধু গ্রামীণফোনেরই ১০ জিবিপিএস ব্যান্ডউইডথের চাহিদা রয়েছে। আর কোনো ইন্টারনেট সংযোগদাতাই এই ধাপের শর্ত পূরণ করে ৬১৮ টাকায় ব্যান্ডউইডথ কিনতে পারবে না। বেশিরভাগ সংযোগদাতা পরবর্তী দরের ব্যান্ডউইডথ কিনবেন।’

আইআইজিকে সরকারের সাথে ১০ শতাংশ রাজস্ব ভাগাভাগি করতে হয়। এরপর মূল্য সংযোজন কর এবং নিজেদের লাভের হিসাব রয়েছে। তাই বিএসসিসিএলের ঘোষিত দামের চেয়ে বেশি মূল্যে আইএসপিরা কাছে ব্যান্ডউইডথ বিক্রি করবে আইআইজিগুলো। ব্যান্ডউইডথের এ দাম কমানোর ফলে গ্রাহক খুব একটা লাভবান হবেন না বলেই মনে করেন সুমন আহমেদ। ইন্টারনেট সংযোগদাতাদের সংগঠন আইএসপি



## ইন্টারনেট ব্যান্ডউইডথ তুমি কার?

মোস্তাফা জব্বার

অ্যাসোসিয়েশন অব বাংলাদেশের (আইএসপিএবি) সভাপতি এমএ হাকিম বললেন, ‘ইন্টারনেট সংযোগ দেয়ার ক্ষেত্রে আইএসপিগুলোর যে ব্যয় হয়, তার একটা ক্ষুদ্র অংশ ব্যান্ডউইডথ কেনা। এর বাইরে গ্রাহকের কাছে সংযোগ পৌঁছে দেয়ার অবকাঠামো, পরিচালন ব্যয় ইত্যাদির খরচই বেশি। আইএসপিরা মোট ব্যয়ের মাত্র ৫ থেকে ৬ শতাংশ ব্যয় হয় ব্যান্ডউইডথের জন্য।’

ইন্টারনেটের দাম কমছে না, তবে গ্রাহক কি বেশি গতি পেতে পারেন? এমএ হাকিম বলেন, ‘গতি এলেও এই অবস্থায় বেশি বাড়ানো সম্ভব নয়। হয়তো ১২৮ বা ২৫৬ কেবিপিএস গতি বাড়তে পারে, এর বেশি নয়। ১০ জিবিপিএস কিনতে বিএসসিসিএলকে প্রতি মাসে দিতে হবে ৭২ লাখ টাকা। এর বাইরে আবার দুই মাসের অগ্রিম টাকাও দিতে হবে।’

দুটি পত্রিকার খবরে ১০ জিবির দামে দুই রকম বলা আছে— ৬২৫ ও ৬১৮। তবে সংশ্লিষ্টরা যেসব কথা বলেছেন এবং একটি পত্রিকায় দামের যে বিবরণ দেয়া আছে, তাতে দাম নির্ধারণে শুভঙ্করের ফাঁক আছে সেটি বোঝা যায়। বস্তুতপক্ষে ২৭ হাজার টাকার সাথে ৬২৫ (বা ৬১৮) টাকা তুলনীয়ই নয়। তবে আগের দাম ১০২৮ টাকার সাথে তুলনা করলে এই মূল্যহ্রাস শতকরা ৪১ ভাগ। তবে এই ৪১ ভাগ মূল্যহ্রাসের সুবিধা ইন্টারনেট ব্যবহারকারীরা পাবেন তেমন কোনো ভরসাই কোনো মূল্য করছে না।

প্রথমত, এই মূল্যহ্রাসের মাঝে একটি

শুভঙ্করের ফাঁক আছে। (ক) শতকরা ৪১ ভাগ মূল্যহ্রাস কার্যত শুধু ১০ জিবি গতির ক্ষেত্রে প্রযোজ্য হবে। যেখানে সারাদেশ মাত্র ৩০ জিবি ব্যান্ডউইডথ ব্যবহার করে, সেখানে একটি বড় মোবাইল অপারেটর ছাড়া আর কেউ যে সেটি নিতে পারবে না এটিই বিশেষজ্ঞেরা বলছেন। এতে মনে হতে পারে, সেই শহরের লোকেরা একটি সরকারি প্রতিষ্ঠানের কাছ থেকে সমঅধিকার কেন পাবে না? কেন তাদের জন্য এনটিটিএন চার্জসহ ব্যান্ডউইডথের মূল্য প্রযোজ্য হবে? (খ) যারা এই মূল্যহ্রাস ব্যবহার করতে চাইবেন তাদেরকে পুরো এক বছরের জন্য চুক্তি করতে হবে। ব্যবহার যাই হোক না কেন, পুরো ১০ জিবির দামই ক্রেতাকে দিতে হবে। দুই মাসের অগ্রিম ভাড়াও দিতে হবে। বস্তুত এই দাম ১ জিবির জন্য প্রযোজ্য হওয়া উচিত ছিল। এ পরিস্থিতিতে খবরে আরও বলা হয়েছে— তথ্য ও যোগাযোগ প্রযুক্তি প্রতিমন্ত্রী জুনায়েদ আহমেদ পলক বলেন, ‘মানুষের দোরগোড়ায় ইন্টারনেট পৌঁছে দিতে সরকার ব্যান্ডউইডথের দাম পর্যায়ক্রমে কমিয়ে আনছে। ডিজিটাল বাংলাদেশ রূপকল্প বাস্তবায়নে এবং বাংলাদেশকে জ্ঞান ও প্রযুক্তিনির্ভর অর্থনীতির দিকে নিয়ে যেতে ইন্টারনেটের ব্যবহার বাড়তে হবে। এজন্য ভয়েস কলের মতো ইন্টারনেটেরও ন্যূনতম দর নির্ধারণের পরিকল্পনা করছে সরকার।’ আইসিটি প্রতিমন্ত্রী রেগুলাটর প্রতিষ্ঠান বিটিআরসি চেয়ারম্যানকে এনটিটিএন (ন্যাশনওয়াইড টেলিকমিউনিকেশন ট্রান্সমিশন নেটওয়ার্ক), ▶

আইএসপি (ইন্টারনেট সার্ভিস প্রোভাইডার) এবং মোবাইল অপারেটরদের নিয়ে বসে দ্রুত গ্রাহক পর্যায়ে ইন্টারনেটের দাম কমিয়ে আনার ক্ষেত্রে জোরালো ভূমিকা নেয়ার আস্থান জানান। এ প্রসঙ্গে গ্রামীণফোনের চিফ করপোরেট অ্যাফেয়ার্স অফিসার মাহমুদ হোসেন বলেন, 'ব্যান্ডউইথের দাম আমাদের ইন্টারনেট সেবা দেয়ার মোট ব্যয়ের একটি ক্ষুদ্র অংশ। তাই এর দাম কমলে তা ব্যয়ে তেমন কোনো পরিবর্তন ঘটায় না। তবু এ বছর আমরা গড় ইন্টারনেটের চার্জ ৫৬ শতাংশ কমিয়েছি।'

অপারেটরদের দাম কমানোর বিষয়টির প্রত্যক্ষ ফলাফল আর যাই হোক ইন্টারনেট ব্যবহারকারীরা যে পান না, তা বলার অপেক্ষা রাখে না। বিশেষ করে মোবাইল অপারেটরদের নানা ধরনের প্যাকেজের ফাঁদে ফেলে ব্যবহারকারীদের পকেট কেটেই চলেছে। শেয়ারড ব্যান্ডউইথ দিয়ে ডাটার প্যাকেজ বানিয়ে ১ এমবিপিএস গতির ডাটাকে তারা কিলোবাইট, মেগাবাইট, গিগাবাইট হিসেবে বিক্রি করে। ফলে কোনো কোনো ক্ষেত্রে তারা ১৭ গুণ মুনাফা করে। বিশেষ করে প্যাকেজ শেষ হয়ে যাওয়ার পর স্বয়ংক্রিয়ভাবে যখন কিলোবাইট হিসেবে ডাটা চার্জ করা হয়, তখন আর রক্ষা নেই। প্রিপেইডের ব্যালেন্স শেষ হয় আর

পোস্টপেইডে ভুলভেদে বিল আসে। একজন ভোক্তা হিসেবে আমি ব্যান্ডউইথের গতির ওপর চার্জ দেয়ার অধিকার রাখি। ১ এমবি, ৫১২ কে বা ২৫৬ কে হিসেবে আমাকে চার্জ করা হতে পারে। অথচ কোনো খ্রিজি অপারেটর ব্যান্ডউইথের গতিতে চার্জ করে না। এরা ডাটা হিসেবে চার্জ করে। অথচ আমার ডাটার ওপর কোনো সীমানা থাকতে পারে না। আমার প্রাপ্য গতি অনুসারে আমি আমার যত খুশি ডাটা ব্যবহার করব। কিন্তু মোবাইল অপারেটরদের সেটির তোয়াক্কা না করে গ্রাহকদের ঠকাচ্ছে। আবার যদি আনলিমিটেড প্যাকেজ নেয়া হয়, তখনও ফেয়ার ইউসেজ পলিসির নামে ৩০ জিবিতেই আনলিমিটেড শেষ হয়ে যায়। এসব অনাচারের বিরুদ্ধে প্রতিবাদের কোনো পথ নেই। বিটিআরসিও এসব বিষয়ে কোনো ব্যবস্থা নেয় না। ক্যাবল লাইনের ইন্টারনেট যেহেতু চলতি পথে ব্যবহার করা যায় না, সেহেতু বাধ্য হয়েই সবাইকে খ্রিজি সেবা নিতে হয়। অন্যদিকে দেশের প্রায় সব ইন্টারনেট ব্যবহারকারীই তো মোবাইলে ইন্টারনেট ব্যবহার করে। তাদের তো মোবাইল অপারেটর ছাড়া অন্য কারও কাছে যাওয়ারও উপায় নেই।

বিটিআরসির তথ্যানুযায়ী, এ বছর জুন মাস নাগাদ মোট ইন্টারনেট গ্রাহকসংখ্যা দাঁড়িয়েছে ৪ কোটি ৮৩ লাখ ৪৭ হাজারে। এর মধ্যে মোবাইল

ইন্টারনেট গ্রাহকসংখ্যা ৪ কোটি ৬৮ লাখ ৯৯ হাজার, যা গত বছর এই সময়ে ছিল ৩ কোটি ৬৪ লাখ ১২ হাজার। দেশে এক বছরে মোবাইল ফোনে ইন্টারনেট ব্যবহারকারীর সংখ্যা বেড়েছে ১ কোটি ৪ লাখ ৮৭ হাজার। বাংলাদেশের ইন্টারনেট ব্যবহারকারীর মধ্যে ৯৭ শতাংশ মোবাইল ইন্টারনেট ব্যবহার করছে।

এই তথ্যাবলীর পাশাপাশি এটিও মনে রাখা দরকার, খ্রিজি বা ক্যাবলের পরিধিটা এখনও বাংলাদেশের উপজেলা স্তরে যায়নি। ফলে এখনও দেশের ইন্টারনেট ব্যবহারকারীরা গতির সাথে পরিচিত হতে পারেননি। ইউনিয়ন ডিজিটাল সেন্টারগুলোর চরম দুর্গতি হচ্ছে ইন্টারনেট পেতে। কিন্তু কে রাখে তাদের খবর।

আমি মনে করি, দেশে ব্রডব্যান্ড ইন্টারনেটের প্রসার ঘটতে না পারলে এবং ইন্টারনেটকে সাধারণ মানুষের ক্রয়ক্ষমতায় না আনতে পারলে, আমাদের ডিজিটাল বাংলাদেশ গড়ার সব উদ্যোগ ব্যর্থ হয়ে যাবে। প্রধানমন্ত্রী শেখ হাসিনা গত ৬ আগস্ট ডিজিটাল বাংলাদেশ টার্মফোর্সের সভায় সেই নির্দেশই দিয়েছেন। কিন্তু তার সরকারেরই অনেকে তার নির্দেশ মানেন না বা বোঝেন না। কিংবা বুঝেও না বোঝার ভান করেন।

ফিডব্যাক : mustafajabbar@gmail.com

## সপ্তাহজুড়ে ইন্টারনেট জাদু

(৩২ পৃষ্ঠার পর)

বিশ্ববিদ্যালয়ে অনুষ্ঠিত হয় বিশেষ টেক সেশন। ৬ সেপ্টেম্বর আগামীর ইন্টারনেট নিয়ে ঢাকা ইউনিভার্সিটি অব ইঞ্জিনিয়ারিং অ্যান্ড টেকনোলজি ও গণ বিশ্ববিদ্যালয়ে অনুষ্ঠিত হয় সেমিনার। বাণিজ্যিক খাতে ফ্ল্যাপিং এবং ডিজিটাল মার্কেটিং বিষয়ে আলোচনা হয় ইউনিভার্সিটি অব লিবারেল আর্টসে। এছাড়া খুলনা প্রকৌশল ও প্রযুক্তি বিশ্ববিদ্যালয়ে অনুষ্ঠিত হয় ইন্টারনেট ব্যবহার করে উচ্চতর শিক্ষা ও অনলাইন কোর্স সম্পাদনের আদ্যোপান্ত নিয়ে আলোচনা। একই দিনে রাজশাহী বিজ্ঞান ও প্রযুক্তি বিশ্ববিদ্যালয়ে অনুষ্ঠিত হয় ক্লাউড কমপিউটিং নিয়ে কর্মশালা। সপ্তাহের দ্বিতীয় দিন ভবিষ্যতের জন্য ইন্টারনেট বিষয়ে বিশেষ টেক সেশন অনুষ্ঠিত হয় ঢাকা বিশ্ববিদ্যালয় ও ইনডিপেনডেন্ট বিশ্ববিদ্যালয়ে। ই-কমার্স নিয়ে আলোচনা হয় ইউনিভার্সিটি অব ইনফরমেশন টেকনোলজি অ্যান্ড সায়েন্স বিশ্ববিদ্যালয়ে। দিনাজপুর পলিটেকনিক ইনস্টিটিউটে হয় অ্যান্ড্রয়ড ডেভেলপমেন্টের ওপর সেমিনার। হাজী মুহম্মদ দানেশ বিজ্ঞান ও প্রযুক্তি বিশ্ববিদ্যালয়ে হয় আইফোন অ্যাপ্লিকেশন উন্নয়ন ও গবেষণা নিয়ে কর্মশালা। বিগ ডাটা বিষয়ক টেক সেশন হয় ইনস্টিটিউট অব সায়েন্স অ্যান্ড টেকনোলজিতে। খুলনা বিশ্ববিদ্যালয়ে হয় পিএইচপি প্রোগ্রামিং বিষয়ক কর্মশালা। ফ্ল্যাপিংয়ের সম্ভাবনা নিয়ে রাজশাহী কলেজে হয় বিশেষ টেক সেশন। সাইবার নিরাপত্তা নিয়ে

সেমিনার হয় বরেন্দ্র বিশ্ববিদ্যালয়ে। ঢাকা ইন্টারন্যাশনাল ইউনিভার্সিটিতে হয় ভবিষ্যতের ইন্টারনেট বিষয়ে আলোচনা। ফ্ল্যাপিং ও অ্যাফিলিয়েট মার্কেটিং নিয়ে কর্মশালা হয় ইস্টার্ন বিশ্ববিদ্যালয়ে।

### উপজেলায় ইন্টারনেট উৎসব

ডিজিটাল রাজ্যে উন্নয়নের পাসওয়ার্ড হলো ইন্টারনেট। সেই পাসওয়ার্ডের সাথে প্রাস্তিক

পরিচয় করিয়ে দেয়া হয়। ইন্টারনেট ব্যবহার করে কীভাবে পণ্য কেনাবেচা করা যায়, জমির যত্ন নেয়া বা চাষাবাদ করা যায়, ঘরে বসেই বিদেশী ডিগ্রি অর্জন করা যায় ইত্যাদি বিষয়ের সাথে পরিচয় করিয়ে দেয়া হয় দর্শনার্থীদের। উৎসব নিয়ে বেসিসের জ্যেষ্ঠ সহ-সভাপতি ও বাংলাদেশ ইন্টারনেট উইক ২০১৫-এর আস্থায়ক রাসেল টি আহমেদ বলেন, সপ্তাহব্যাপী এ উৎসবে ই-কমার্স, ওয়েব পোর্টাল, মোবাইল



বক্তব্য রাখছেন তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক

জনগোষ্ঠীকে পরিচয় করিয়ে দিতে দেশের তিনটি বিভাগীয় শহরের পাশাপাশি ৪৮৭টি উপজেলার ৪ হাজার ৫০০টি ডিজিটাল সেন্টারে অনুষ্ঠিত হয় ইন্টারনেট সপ্তাহ। প্রতিটি উপজেলার মাঠে অনুষ্ঠিত হয় এই মেলা। কোথাও দুইদিন, কোথাও তিন বা সপ্তাহজুড়েই চলে ইন্টারনেট উৎসব। উৎসবে স্কুলের শিক্ষার্থী থেকে শুরু করে গৃহিণী ও কৃষককেও ইন্টারনেটের জাদুর সাথে

অ্যাপ্লিকেশন ও সারাদেশের স্থানীয় মোবাইলভিত্তিক উদ্যোগ অংশ নেয়। গ্রামের যেসব মানুষ এখনও ইন্টারনেটের জাদুর সাথে পরিচিত নন তাদেরকে পরিচয় করিয়ে দেয়া হচ্ছে। ইন্টারনেট ব্যবহার করে কীভাবে জীবনকে পরিবর্তন করা যায়, সেই চেষ্টাই করা হচ্ছে। আর এর মাধ্যমেই আশা করছি, এক কোটি মানুষকে ইন্টারনেটে সংযুক্ত করে প্রযুক্তির আলোয় গ্রামীণ সমাজকে জাগিয়ে তোলা হবে।